


Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

1183  
gsh

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and Youth

Broj: 11/02-05-3581-77/19  
Sarajevo, 17. 04. 2019. godine

**SKUPŠTINA KANTONA SARAJEVO**  
n/r Elmedin Konaković, predsjedavajući Skupštine Kantona Sarajevo  
-ovdje-

**PREDMET: *Odgovor na zastupničku inicijativu- dostavlja se***

Poštovani,

**Zastupnik** u Skupštini Kantona Sarajevo **Aljoša Čampara** na trećoj radnoj sjednici Skupštine Kantona Sarajevo održanoj dana 23.01.2019. godine u okviru tačke dnevnog reda „Poslanička pitanja, inicijative i odgovori“, pokrenuo je zastupničku inicijativu:

" o izradi zakona o porijeklu i validnosti stečenih diploma u skladu sa važećim zakonima iz sektora obrazovanja za sve izabrane i imenovane dužnosnike u Kantonu Sarajevo, kao i direktore i članove upravnih i nadzornih odbora svih javnih preduzeća, ustanova, direkcija u Kantonu Sarajevo."

### **Odgovor**

U odnosu na inicijativu uvaženog zastupnika Aljoše Čampare „o izradi zakona o porijeklu i validnosti stečenih diploma u skladu s važećim zakonima iz sektora obrazovanja za sve izabrane i imenovane dužnosnike u Kantonu Sarajevo, kao i direktore i članove upravnih i nadzornih odbora svih javnih preduzeća, ustanova, direkcija u Kantonu Sarajevo“ bitno je napomenuti da u zakonodavstvu Bosne i Hercegovine već postoji propis koji je uredio navedenu oblast.

Naime, Zakon o važnosti javnih isprava u Bosni i Hercegovini („Službeni glasnik Bosne i Hercegovine“ broj: 23/04) , član 4. glasi:



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



„ Ako postoji opravdana sumnja da je javna isprava izdana ili sačinjena oprečno članu 3. ovoga zakona ili se sumnja da je prema osobi kojoj je javnom ispravom utvrđena kakva obaveza ili uskraćeno kakvo pravo ili povrijeđen pravni interes, pri sastavljanju isprave primjenjena sila, prijetnja ili prevara, utvrđivanje ništavnosti isprave utvrđuje, na prijedlog te osobe ili druge zainteresovane osobe, mjerodavan sud u izvanparničnom postupku u roku od godinu dana od dana stupanja na snagu ovoga zakona.“

Osim navedenog napominjemo da ustavno uređenje Bosne i Hercegovine ograničava polje djelovanja Kantona Sarajevo na normativno uređenje ove oblasti i provođenje inspekcijskog nadzora na ustanove koje su registrovane na području Kantona Sarajevo.

Mislimo da je nužno osigurati jednako postupanje (načelo jednakosti) prema svim građanima, jer bi se donošenjem ovakvog zakona na nivou Kantona Sarajevo pitanje provjere diploma ograničilo samo na one osobe koje su svoje obrazovanje okončali na nekoj od ustanova na području Kantona Sarajevo.

Naime, u obrazloženju navedene inicijative uvaženi zastupnik Čampara je konstatovao da je „cilj zakona da se putem inspekcijskog nadzora i transparentnog uvida javnosti predoči činjenično stanje u vezi sa stečenim diplomama onih koji su zaduženi za zakonodavne i izvršne procese u Kantonu Sarajevo.

Kompletan proces mora biti implementiran od strane nadležnog ministarstva i inspekcijških organa uz puni uvid nadležne skupštinske komisije za obrazovanje i redovno izvještavanje skupštine Kantona Sarajevo i kompletne javnosti.

Istovremeno tražimo da dokaz validnosti bude uvjet za bilo koje imenovanje od strane Vlade ili skupštine KS.

Rezultati kontrole će dati odgovore na nekoliko ključnih pitanja kao što su:

Da li je izabrani odnosno imenovani dužnosnik pohadao nastavni proces u skladu sa zakonom i nastavnim planom i programom, da li je ispunio sve semestralne obaveze u vezi sa predavanjima i vježbama u skladu sa nastavnim planom i programom te da li je položio ispite u skladu sa propisanim i predviđenim rokovima nastavnog plana i programa.“

Kantonalna uprava za inspekcijske poslove Kantona Sarajevo bi u smislu predloženog zakona mogla samo izvršiti inspekcijški nadzor nad radom ustanova registriranih na području Kantona Sarajevo.

Ministarstvo za obrazovanje, nauku i mlade u okviru nadležnosti nama definisanu obavezu da vrši projeru i ocjenu validnosti diploma i drugih obrazovnih isprava radnika privatnih i javnih institucija te smatramo da bi sve javne institucije navedene u inicijativi trebale slijediti primjer Ministarstva za obrazovanje, nauku i mlade koje je izvršilo provjeru validnosti svih diploma i javnih isprava državnih službenika i namještenika u Ministarstvu, ali i naložilo da odgojno-obrazovne ustanove nad kojima Ministarstvo vrši nadzor provedu taj postupak.

Naime, cilj svih zaposlenih u javnom sektoru bi trebao biti usmjeren ka jačanju integriteta, odgovornosti i transparentnosti u radu same institucije, ali i svih zaposlenika u tom sistemu.

Napominjemo da je Institucija ombudsmena u BiH je po navedenom pitanju takođe zauzela stav koji glasi :

„Ne smije se zanemariti činjenica da su u predmetnom slučaju nosioci podataka službenici javnih organa koji se finansiraju iz javnog budžeta i momentom stupanja u službu pristaju raditi za javno dobro i u javnom interesu. Stoga, ombudsmeni su stava da javni interes u ovakvim i sličnim slučajevima uvijek ima prevagu nad zaštitom privatnosti“.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Koristimo se prilikom da informišemo Skupštinu i javnost da je Ministarstvo uspješno okončalo provjeru svih diploma i javnih isprava uposlenika Ministarstva te da su u toku završne aktivnosti na provjeri diploma i isprava za sve radnike u odgojno-obrazovnim ustanovama.

U smislu navedenog smatramo da se cilj inicijative može osigurati i kroz donošenje zaključka kojim bi Vlada ili Skupština Kantona Sarajevo obavezala sve organe uprave, javna preduzeća, ustanove, direkcije kojima je osnivač Kanton Sarajevo da odmah i bez odlaganja provedu postupak provjere diploma/svjedodžbi i uvjerenja za sve zaposlene osobe i imenovane nosioce upravljačkih i rukovodnih struktura te da o provedenoj aktivnosti provjere u pisnoj formi informišu Vladu i navedenu komisiju Skupštine Kantona Sarajevo.

S poštovanjem,



MINISTRICA

Mr. Zineta Bogunić



**Dostaviti:**

1. Naslovu;
2. a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

